

2. B. V.

RECTORE MAGNIFICENTISSIMO  
SERENISSIMO PRINCIPE REGIO AC DOMINO  
N. FRIDERICO AVGVSTO  
ELECTORAT. SAX. HEREDE.  
DISSERTATIONEM INAUGVRALEM  
DE

ARDORE  
VENTRICVLI

PRAESIDE

D. GOTHOFREDO BERGERO  
ARCHIATRO REGIO  
COLLEGII MED. SENIORE ET PROF. PRIM.

PRO LICENTIA

IMPETRANDI

MMOS IN ARTE SALVTARI HONORES  
P. P.

DANNES TOBIAS SCHUBERT

BLANCKENBURGO-SAXO

A. D. XII. IVL. MDCCXIV.

IN AUDITORIO MAIORI

ORIS ANTE ET POST MERIDIEM CONSVETIS.

VITEMBERGAE

PRELO VIDVAE GERDESIANAЕ.





DE  
ARDORE  
VENTRICULI

DISSERTATIO INAUGVRALIS

---

I.

**Q**uam misera sit hominum conditio, tot morborum genera docent, quibus cum univcrsum corpus varic multumque laborat, tum singulæ eius partes affici solent. Haud longe abiero, cum vel

unius stomachi recordatio fidem faciat, quam experimentis incommodorum, quæ ex eius imbecillitate capiuntur, firmam, tam sentiendi molestia gravem. Ex his, præter morsus dolori varios, quibus cruciatur ille, & quos verbo, Græcis sumto, cardialgiæ nomine nuncupamus non minus frequens, quam infestus, est ex eodem per gulam in fauces ascendentis, ardoris sensus, qui, nomine a veteribus quibusdam descriptus, apud Hippocratem vix occurrit, a Galeno vero *ἐγναυσις τῆς σωμαχίας*, Germanis vulgo Sooda, forte a Sood, vel Sutt, quod ebullitionem significat, appellatur.

## II.

**A**tque hic quidem ardor ventriculi interdum ieiunis accidit, sæpius autem inter epulas, & post cibum sumtum, emergit, atque nunc levius modo gravius, affligere, & alias durare diutius alias citius restingui, & cum conatu quodam eructandi, sensuque mediæ quasi viæ, ab expiratione veluti flammea interclusæ, tum quoque deglutendi difficultate, molestiæ non parum, idque tanta subinde vi, exhibere solet, ut eo affecti, ardentis carbonis æstum percipere sibi videantur.

Aliquan-



Aliquando tamen ructus comitantur varii, maximeque nidorosi, ita, ut ipsum etiam os tandem amarore repleatur. Non raro anxietas quædam ex nausea præcedit, & tenuis ex stomacho, limpidusque, humor profluit. Quicquid vero expressi ventriculo ardoris ingulam & fauces emititur, id nunc bullientis, aut ferventis instar aceti, mordet, modo amarum, causticum, sæpeque ustum quid, tanquam a calce, refert. Vnde & linguam resiccat, & magnum frigidæ desiderium, langvente admodum ventriculo, affert. Nonnunquam autem, premente etiam fame, sitique, instat, licet præ molestia vix edendi bibendique facultas detur. Quodsi gravius malum, diutiusque, urgeat, assodes, vel inquietudo ingens, quæ nullam corpori requiem præbet, aliquando etiam morsus doloris, & rosio, accedit, ac, geminato ita, auctoque, malo, lapsus interdum virium, tantaque subinde imbecillitas, sequitur, ut etiam cum periculo defectionis animi coniungatur.

### III.

**A**d hoc malum propensi sunt, quibus, seu natura, sive ex antegressa febris, vel ægritudine alia, præcordia nimio opere æstuant: quibus item



acri, acida, ac nidorosa, biliosaque scatet illuvie ventriculus, atque a naturali oris potissimum sinistri adstrictione deficit. Quo in numero magna pars urbanorum est, qui partim deliciarum usu, & crapula, partim otio, & vitæ nimia inæqualitate, ventriculum offendunt, & varias in eo cruditates colligunt. Inprimis autem gignendo eidem affectui aptum comperimus victum, qui facile fermentescit, atque in acorem, vel nidorem, fumumque, aut fervidam exhalationem, degenerat, atque ex cibis constat inprimis dulcibus, pingvibus, ac opimis, saccharo, melle, aromatis, muria, aceto conditis, & sale, vel multo atro fumo, ad solem, aut frigora, passis, obdurtisque, aut cum rancido lardo, oleo, vel butyro, confectis, aut rebus assis, & in sartagine frixis, lacrymosis item cepis, porris, alliis, cucumeribus, & eius generis fructibus horariis aliis, caseo porro veteri, putrive, ac cerevisia recenti, & crassiore, nec satis defæcata, vinoque, vel dulci, rebus causticis, &, uti sunt, Hispaniense, & Canarium, calce viva, ex marmore, gypsoque cremato, infecto, aut aliter fucato, vel acido novello quovis, musteo, tartarique pleno, quo aliquando, sicuti dentium alvearia obsita, sic



fic intus ventriculum & intestina obducta, ac veluti incrustata, reperias, ut apud *Pechlinum*, *obs. med. phys. XXVIII, lib. II*, extat. Videas quoque, id quod bene *Celsus* admonuit, *lib. II. de med. c. XXV*, non protinus, quicquid boni succi est, cuique stomacho convenire, sed sæpe eos, qui cibis adsveti sunt durioribus, & concoctu difficilibus, si molles, teneriores, & suavissimos, atque facilimos ad concoquendum comedant, hos corrumpere potius, ac in nidorem convertere, quam conficere, illoque ardore corripere, mutata vero victus ratione, eo immunes esse.

#### IV.

**A** medicamentis præterea acribus, calidioribus, & antiscorbuticis, rebusque causticis, & corrosivis, eundem hunc ardorem induci, eumque subinde graviolem, & cum vehementi coniunctum cardialgia, notum est satis, & vel puer ille apud *Forestum*, *lib. XXV, obs. XXX*, testari potest, cui post haustam aquam fortem præ ardore gula præcludebatur, & suffocationis periculum imminebat. Eodem pertinent, quæ de hoc liquore, ac medicamentis acribus annotarunt *Ronsseius, ep. med. IX*, *Seidelius, de morb. insanab.*



p.13, *Heerius obs. med. XV*, & *Friccius de virtut. venen. med. c. II*. Demum iram, & motum corporis paulo vehementiorem, ventriculo vel ieiuno, & latrante, inediaque paulo diutius vexato, vel cibi pleno, ad ciendum hoc malum non parum valere, ac frequens idem in morbo hypochondriaco, scorbuto, arthritide, calculo, & obstructione alvi esse, usus & experientia docet.

## V.

**V**t autem quivis facile videt, sedem mali ventriculum esse, ex eoque emissis fumis veluti igneis orificium inprimis sinistrum, & coniunctæ huic fistulæ cibalis latera, aliquando etiam orificium alterum, ipsaque eidem continuata intestina, affici: sic illud etiam non difficulter intelligitur, constitutionem illius variam, pro varietate temperiei, perspirationis, & contentorum aliorum, a victu relictorum, aut aliunde transmissorum, tunc demum, & motus, sensusque, ad gignendum hunc affectum plurimum conferre. Hinc enim fit, ut, quæ in temperato stomacho innoxia, inprimisque salutaria, in intemperato, & improbo, ne vitio quidem satis resistere possint. Nihil enim tam bonum est, quod non vitio



vitiosorum commercio corrumpatur, & quicquid facile conficitur, facile item alteratur, & corrumpitur. Ita lac, quod *Varro, de re rust. lib. II, c. II*, omnium, ait, rerum, quas cibi causa capimus, liquentium maxime alibile, & *Celsus l.c. lib. II, c. XLIX*, ex potionibus valentissimi generis esse, bonique succi, stomacho intemperato alienum est, multamque inflationem ciet, atque in ventriculo minus calido acefcit, in æstuante fuligine & nidore inficitur, nec raro ardorem illum parit. Idem melle, quo nihil fere melius est, fieri, quotidie observamus, ut acredine noceat, & flatu, eoque calidis ac biliosis maxime sit infestum.

## VI.

**D**e causa mali proxima hoc minus est mirandum, non inter se omnes convenire, quo magis usu constat, illam ventriculorum disparitatem non nisi sua cuiusque experientia disci, & differentes eius causas, ac qualitates humorum peccantium, non ita semper cognitae esse, ut vulgo opinamur, sed aliter in libris & ore medicorum, aliter in corporibus sese habere. Ego quidem pro causa morbifica habendam putarim materiam quamvis fermentescentem, ac vaporantem,

B

rantem,



rantem, & ventriculum gulamque urere aptam, quæ utique tam indole, quam mole, graduque, varia esse potest. Ac merito quidem veteres multum hic bili tribuendum putarunt, contagione sua, & vapore, quem exhalat, acerrimo, quoquo modo in ventriculum, gulamque, sublato. Namque ea, sale constans acri, sulphureoque, uti cibum subito colliquare, atque in acrimoniam sulphuream & causticam convertere, & cum parte eius tenuiore facile per gulam aspirare: sic non uno nomine ardorem illum parere potest. Quam eius vim experimentum illud Schuylii comprobat, quo, secto canis vivi abdomine, & ligato iuxta pylorum, ac infra insertionem ductus pancreatici, intestino duodeno; hoc brevi post & vapore acri vehementer distentum, & intenso fervens calore, reperitur. Vt minus a vero alienum videatur, etiam a bile, per tunicas vesiculæ, & incumbentis eidem ventriculi, penetrante, huncque ea regione intus forisque colore suo inficiente, eundem ardorem progigni. Quemadmodum in iis, quibus ardor ventriculi perpetuo fere molestus fuerat, se sectione aliquoties deprehendisse, *Platerus* scribit, *Prax. tom. II, c. II.* Verumtamen quo minus uni humori bilioso omnem



mnem ardoris huius causam adscribam, cum alia  
obstant, de quibus deinde dicetur, tum illud pro-  
hibet, quod in picrocholis, & aliquando in fame  
rabida, quoties ieiunus venter inedia paulo diu-  
tius vexatur, ut de se ipso refert *Vesalius, lib. V.*  
*de hum. corp. fabr. c. IIX*, bilis sine ardore ex duo-  
deno in ventriculum conscendat, nec raro mera  
per os reiiciatur.

## VII.

Cruditatem porro nidorolam, res est notissi-  
ma, hic crebro admodum peccare, quam  
quidem corruptione inprimis pingvium, & dul-  
cium, in nidorem oleosum, amarum, & acrem,  
fumosumque, gigni, comperimus. Est enim ea  
pingvedinum natura, ut turgescant coquendo,  
& intumescant, atque etiam sponte in oleum ta-  
rescant, ac sæpe vehementer effervescent: sicut  
de pinguedine balænarum ex *Martinii Itiner. ad*  
*Groenland.* constat, eam, doliis inclusam, haud  
aliter, quam cerevisiam, vel vinum, effervesce-  
& sic magnam partem in oleum resolvi, ab illa  
vero effervescencia vaporem tam acrem oriri, ut  
oculos nautarum gravi inflammatione afficiat.  
Sic etiam mel, quod ad naturam olei quodam-  
modo



modo accedit, *coctum*, si *Hippocratem* audias, *lib. de intern. affect. c. XLV, t. 5, æstuosum est, & ventri adhæret: postea, cum concoctum fuerit, in ventre effervescebat, & venter de repente attollitur, & ardet, & dirumpi videtur.*

## IIX.

**A**b acido quoque malum hoc oboriri, recens fere nostræ ætatis est opinio, & ipse iam ante fassus sum. Quo tamen uno idem semper excitari, in ea naturarum, assumptorum, & causarum aliarum, quas modo dixi, varietate nemo fortasse pertenderit, præsertim qui considerarit, multos, quorum ventriculi ab hausto vino, vel alias manifestum spirant, ructant, vomuntque acidum & qui aceto, succo citri, & acidis aliis delectantur, ardore illo, quicquid etiam comedant, haudentari, cibosque multos & potus vinosos in ventriculo natura acescere, ac verissimum esse, id quod *Hippocrates* dixit, *aph. I, Sect. IV*: In diuturnis intestinorum lævitatibus ructum acidum supervenientem, qui prius non fuerit, signum esse bonum, instaurati nimirum toni, & concoctionis ventriculi restitutæ. Qui enim hunc aphorismum indubium revocare velit, experientia

ip



ipsi fidem derogabit. Neque tamen, ubi amarus se sapor ex ventriculo prodit, acidum semper excludendum esse, vel inde patere potest, quod non solum rancidus, aut amarus, & ingratus plerumque sapor emergat, ubi sulphur nimio calore luxuriat, uti oleosa quævis, & dulcia, longa coctione amarescunt, sed etiam idem sapor haud raro ex acido proveniat. Siquidem ex argento, spiritu nitri, vel aqua forti, dissoluto, & in crystallos coagulato, sapor nascitur amarissimus, facta vero, ignis ope, utriusque separatione, aqua fortis acidissima, & argentum insipidum, redditur. Idem de lapide calaminari, eodem soluto liquore, constat, claro satis documento, sæpe acidum latere, ubi quis minus id suspicetur, ac vere *Robaultium* dixisse, *phys. p. m. 163*, impossibilia eum tentare, qui de quibusvis saporibus particularem determinare texturam suscipiat.

## IX.

Quapropter solum hic acidum perraro peccare putarim, sed nunc cum acrimonia alcalica, nunc biliosa, nunc pingvi & oleosa, aliaque apta materia, luctans & congregiens. Sæpe



etiam residuum cibi falem plus minus volatilem, & sulphureum, eo modo fumare in stomacho, atque ardorem parere, vel falsamenta doceant varia, piscesque lacustres, & marini, varie ficcati, quæ omnia, quo magis veterascunt, hoc falem magis urinosum, naturaliter ex putredine conceptum, olent. Quo minus miremur, idem malum quosdam esu casei experiri, quem, notum est, vetustate in falem converti urinosum, tam acrem, ac septicum, ut urinam putridam, eiusque spiritum redoleat, & vix naribus perferri possit. Immo vero, quicquid in ventriculo fervet, & vaporat, & acri, seu sulphureo, urenteque halitu mordet, hic inter causas referendum esse patet. Quorsum quidem, intelligimus, pertinere allia, cepas, porros, & eius generis alia, potulenta porro calidiora, ac cerevisias crassas, nec satis defæcatas, vinaque, vel tartaro foeta, vel calce, rebusque septicis, & fermentescentibus, vel aliis saporum acuminibus, imbuta, & fucata. Rectissime *Plinius, H. N. lib. XIV, c. 20, tot vinum veneficiis placere cogitur, & miramur noxium esse? Marmore, & gypso, & calce condita vina quis non etiam validus expaverit; meliusque, si non vasis pix affuit? Et lib. XXX, c. 1: Sua cuique vino saliva innocentissima,*  
sua



*a cuique ætas gratissima, id est, media.* Vina vero acida, tartaroque foeta, huc in primis facere videntur, deposita, relictaque in ventriculo, quam subinde incrustari intus, supra ostendi, tartaræ materia, quæ quippe, sive in fundo, sive ore ius, hæreat, nimio eius calore exiccata, & veluti adusta, cum potu perfunditur, calcis instar, facile fervescit, & vaporat.

X.

Neque tamen iis, quas commemoravi, causis, & quæ his similes sunt, aliis, comperimus omnes æque affici, sed quosdam illis, alios aliis dolore corripiri, iisque aliis omnibus nihil molestæ experiri, quia, ut ex superioribus constat, magna est dissimilitudo & varietas ventriculorum, qua quidem fit, ut iidem alias rebus aliis iuvantur, vel lædantur. Quorsum inter alia hic citat oris sinistri, quod a cibo sumto constringi solet, laxitas & hiatus, ob quem liber halitus ad gulam exitus patet. Atque hæc quidem in primis cum illo ventriculi orificio patitur, quod in locis sensus magis vigeat, non tam ob maiorem nervorum copiam, ut multorum fert opinio, quam ob tunicam nerveam, crusta villosa multo



multo ibidem tenuiore, quam ipso in ventriculo, obductam, ac fere nudam. Nam videtur mihi crusta villosa præter usus, quos habet, alios, in ventriculo etiam sensum moderari, suaque varietate efficere, ut ab assumptis aliis alii bene maleque afficiantur. Ab ista igitur fervida exhalatione tacto ore ventriculi, una cum gula, non modo fit molestus ardoris sensus, sed etiam, hunc consequente fibrarum tunicae musculosae contractione, & intercepta quodammodo exhalatione, non minor deglutiendi, quam eructandi, difficultas oritur, dum, validiore ventriculi contractione subito soluto gulæ spasmus, intercepta ante, & angustis collecta limitibus, elastica materia viam inveniat, & maiore vi accopia ex stomacho prorumpens, ructus pariat. Aliquando etiam anxietas antecedit, & aquosus ore limpidusque humor profluit, cum ebullientium intus humorum impetu commotus, ventriculus, fluctuantem summitate iuxta orificium laxius sinistrum, bulantemque tenuiorem illorum partem, excludit. Lævior autem ardor est, vel sævior, & nunc utius, modo ad breve exiguumque tempus, durat, pro sui fomitis, quo sustinetur, conditio. Namque in ventriculo concepta materia mo-  
parci



parcior est, modo uberior, tenuior, aut crassior, alias plus, alias minus lentoris habens, ideoque in alvo ventriculi vel natans, fluctuansque, vel parietibus eius rugosis, & villis, orique, hærens firmius, ac plerumque pertinacius impaeta. Ac huiusmodi quidem tenacis acrisve materiæ rosi- ne ita ingravescere ardor potest, ut morsus de- num ventriculi & cardialgia, & alia post alia ac- cedere symptomata possint.

## XI.

Ex his, quæ de causis, ardorem ventriculi in- ducentibus, dixi, harum quoque signa facile agnoscuntur, modo ad naturam cuiusvis homi- nis, cum hoc malo conflictantis, & indicia, hu- morum πρόσασιν, & quasi præfecturam, demon- strantia, attendamus, & noxia, ac salutaria, cum his conferamus. De Prognosi pariter nil atti- net hic multa dicere. Id enim quiuis prudens facile intelligit, ardorem illum pro varia causa- rum ratione, nunc plus, nunc minus periculi af- ferre, eumque, qui a cibo & potu originem ha- bet, plus molestiæ, quam discriminis, habere, ac facile cessare, nisi sævior fuerit, atque in cardial- giam transeat graviolem, vel alia ei mala succe-  
C dant



dant. Sæpius prænuncius & comes mali hypochondriaci, scorbuti, arthritidis, calculi, & similibus affectuum, esse solet, ob cruditates ventriculi, quæ vera variorum semina morborum existunt.

## XII.

**I**n Curatione ad causas respiciendum est, quæ uti variæ in variis esse possunt : sic varii quidem generis remedia requirunt. Sed usus ferè obtinuit, ut, præsentè inprimis malo, urgenteque, alterantia & corrigentia humores pravos quæ vulgo absorbentia & præcipitantia vocantur adhibeantur, potissimum ex creta, bolò armenis, terrisque aliis, chelis & lap. cancr. percar. carapion. corall. margarit. matr. perl. test. ovorum conchar. ostrear. off. sepia, cornu cervi & ebore ust. ac fossil. crystallo, smaragd. hyacinth. antim. diaph. & chalybe, ferroque, varie præparatis, constantia. Neque id sine ratione, quod ea remedia & acrimoniam variam, & ebullitionem ac fervorem humorum temperare soleant.

## XIII.

**D**e vi quidem acidum alterandi nemo facile dubitat. Nam ideo a plerisque adhiberi consuevit.



everunt. Sed in affectibus quoque aliis eadem  
 rodeſſe, experientia docuit, in quibus, consen-  
 ſentibus omnibus, acidum nullum reperitur, ſed  
 el falſugo, vel nidorofa peccat cruditas, aut bi-  
 ipſa cietur acrior, & ſpumatur, quam quippe  
 ſſociant, infringunt, & frænant, atque in aliam  
 utant indolem, eo prope modo, quo lixivio,  
 teſtis oſtrearum parato, ſpecies decocti amari  
 pore ſuum deponere, & quodammodo dul-  
 ſcere obſervamus. Ex illis itaque convenien-  
 a cuivis eligi, & ſocietate nucis myriſticæ, vel  
 acis, croci or. cort. aurant. rad. angel. cinnab. &  
 cchari, vel conſervæ roſac. cum vel ſine ſpir. vitr.  
 t fyrupi aurant. cydon. menthæ, de agreſta,  
 mmarumque quercus, in foliola ſe explicanti-  
 n, varia exhiberi forma poſſunt. Sic quos-  
 m, quibus ſoda & calculus frequens hoſpes &  
 oſtis eſt, ſolo pulvere lapidum, aut chelarum  
 ncr. in menſa ſalis inſtar, aut extra eam mace-  
 ndito, alternis diebus ad drachmam unam  
 mto, utroque ſe malo liberare, notum eſt, at-  
 e a *Sommero* annotatum, *Eph. Germ. dec. III,*  
*m. III, obſ. CLV.* Suntque huius generis mul-  
 admodum, quibus pleni *Præticorum libri,*  
 orum ſcrinia nunc compilare nobis nec placet,



nec vacat. Illud saltem addi meretur, cretam terrasque alias, alvum plerumque difficilem reddere, neque hæc, & alia, quæ dixi, remedia ita malum semper tollere, quin redeat identidem, & sæpe contumacius fiat. Quin imo vidi multo inopportunoque illorum remediorum usu multum damni ventriculo, totique corpori, allatum fuisse. Neque enim, ut vulgaris est opinio, illi alterantibus acetum, aliaque acida, acorem perdunt, quod hic ab iisdem, rebus veluti voracibus, absorbeatur, & poris eorum ac meatibus quasi vaginulis, inclusus teneatur, sed quod quæ in phlegmate, sive aqua, dispersa tam multa tamque exigua, spicula acuminibus suis, motuque continuo, res obvias feriunt, illorum mixturæ alterantium, in pauculas, maioresque, coacta crystallos, uti microscopium ostendit, mutatione multitudinis, magnitudinis, aciei, & motionis vim quoque agendi ita sæpe mutant, ut vix amplius sentiantur. Sed uti fieri facile potest, vel liquore motuque assumptorum, vel perspirationis ventriculi, concoctionisve putrefacientis, alia illa concreta, & inter alterantium partes quæ effluentia, denuo solvantur, atque in pristinae habitudinis spicula diffiliant: sic patet easdem illi  
agend



agendi vires recipere, eundemque adeo ardorem parere posse, ac eum quidem hoc graviolem, quo maiori ante copia congregata, coactaque, fuerunt.

## XIV.

Quare aliis salia magis lixivia placent, quod non solum acida irretiant ac implicent, sed etiam adhærescentem intus humorem viscidum, biliosum, & nidorosum, solvant, abstergant, ac temperent, atque ad faciliorem disponant exitum. Ac præsens omnino & paratum esse auxilium in oleo tartari per del. ad guttas aliquot in aqua dato, sæpius sum expertus. Neque raro tincturam tartari profuisse novi. Aliquando etiam nitrum antim. cineres clavell. saliaque herbarum fixa, nitrosa, & tartarea, fervorem contemperantia, & abstergentia, iuvisse visa sunt. Ita *Cnæfeli*us, *Eph. Germ. dec. I, ann. III, obs. CCX*, viro, scribit, consulari, ex potu vini Rhenani gravissimo stomachi ardore vehementer, & per plures dies vexato, ita ut, non obstante premente fame, siti-que, nulla tamen sine dolore potestas edendi, aut bibendi, concederetur, frequentem usum salis prunellæ, aqua sambuci soluti, non solum magno

C 3

fuisse



fuisse emolumento, sed etiam successu temporis omnem ardorem abegisse. Idem genus remedii idem modo nominatus autor l. c. refert, se aliis quoque cum fructu commendasse, excepto uno, ex eadem causa graviter laborante, quem, posteaquam sale illo malum non modo non levatum, sed ita auctum observaret, ut vitæ periculum instaret, nec quicquam mucilagines sem. cydon. & similia, proficerent, adscito in auxilium cremore tartari servarit. Inter ceteros nitrum præparatum cum syr. fol. querc. aquave fragariæ, etiam *Riedlinus* laudat, *obs. med. XXXIV, cent. III.* Ac usu compertum est non infrequenti, nullis aliis conferentibus remediis, solum potum fontium calidorum, & acidorum, salis potissimum ope nitrosi, copiosa aqua soluti, auxilium attulisse.

## X V.

**P**ræterea vi mitigandi ac frænandi acres, mordaces, æstuque ferventes particulas insigni nota satis, atque apud omnes pervulgata sunt medicamenta gummosa, & glutinosa, ex. g. Arab. tragac. herb. consolid. reg. rad. & sem. alth. malv. cannab. cydon. psyll. melon. cucum. portul. amygd. d. hordeo, & similibus, in quibus aculei  
sa-



ium, tanquam in visco, inhærescunt. Cuius-  
odi quidem remediis, cum crystall. mont. bolo  
men. melleque rosac. ac violac. in ardore ven-  
culi, ex aqua forti, & medicamentis acribus,  
*restus, Ronssseius, Heerius, & Friccius*, l. c. feli-  
ter usi sunt. Eodem, ob gummi resinofum,  
astichen & olibanum, ac, propter dulcem &  
scosam substantiam, filiquam edulem, sive cera-  
m, in hoc malo usurpari sæpe solitam, iure re-  
cas. Neque immerito Græci, præsertim *Aeti-*  
*, III. Tetr. Ser. I, c. 4, & Dioscorides, lib. II.*  
*Arab. cap. I*, in extingvendo ardore stomachi  
uturno, arcendaque siti, glycyrrhizæ succum,  
potu sumtum, aut radicem, ex aqua potam,  
udarunt. Namque infusum radicis huius rasæ  
incisæ in aqua fontis, ipsa hic experientia com-  
robat, de qua alios inter legi meretur *Rulandus*,  
*rat. emp. XXI, cent. IX.*

## XVI.

Verum in alterando bilioso humore, præter  
ea, quæ supra laudavi, etiam acida atque  
steriuscula hoc quidem magis conducent, quod  
non solum humoris noxii vim ac fervorem ob-  
ndunt, & consopiant, unaque sitim exstingvunt,  
sed



sed etiam deiectam appetentiam excitant, & tonum ventriculi confirmant. Qua ratione iam olim, ut apud *Trallianum*, de art. med. lib. VII, c. VI, & *Dioscoridem* l. c. legimus, omphacium, & succi limonum, malorum aureorum, & puni-  
corum, in usu fuerunt, atque acidum tartari, & spiritus falis, sulph. vitriol. nitri, præcipue dulces, a multis, ac præsertim *Tozzio*, de nat. & curat. singul. morb. P. II, p. 10, commendantur. Videtur quoque permixtorum acidis humorum fervor temperari, ut succum videmus limonum vehementissimæ ebullitioni sacchari in capacissimo aheni resistere. Ceterum opportunum remedium, quia æstum ventriculi, fervoremque humorum compescit, atque os ventriculi abluit, & in arctum cogit, a laudatis Græcis, & *Celso*, lib. IV de med. c. V, folius potio frigida habetur, quam quidem C. Plinius Secundus, cui stomachus natura invalidus, & frequenter intus æstuans erat, sæpius usus memoratur in ep. XVII. lib. VI. Alii ex lenientibus aliquod ac temperantibus eisdem admiscunt, veluti sunt borraginis, lactucæ ac præsertim portulacæ, succi, atque hanc quoque ipsam sumendam svident, præeuntibus nominatis modo Græcis. Sed videas tamen non raro nequ



XVII.

D

infe-



inferiora subducentur, quo purum purgatumque ventriculum relinquant. Quænam vero huic, vel illi, magis conveniant, omnibus circumstantiis rite ponderatis, peritus Medicus iudicabit. Sed minori offensa ventriculi agent, quæ ex aloe, rheo, fena or. ialappa, magnesiaque alba fiunt, ac conveniens plerisque remedium, ob vim temperandi, detergendi, blandæque subducendi insignem, filiquæ Arabicæ, tamarindi, fructus erit.

## XIIX.

**P**urgato, ut decet, stomacho, salutaria erunt, quæ tonum eius ac perspirationem instaurant, eumque a cruditate vindicant ac defendunt. Cuiusmodi, præter ea, quæ supra laudavi, sunt elix. propriet. c. & f. acido, itemque lixiviosum, volat. & c. rhab. elix. vitrioli & tinct. propr. Myns. eff. absinth. f. & comp. eff. lignor. carminat. lign. aloes, card. bened. cent. min. chamædr. zedoar. trifol. fibr. bals. Peruv. fuccini, mastich. tinct. antimon. tart. spir. salis nitrive dulc. sal vol. oleos. & quæ ex g. ammon. galb. atque aromatibus, horumque oleis, nota sunt remedia, ex quibus apta & accommodata cuivis recipienda sunt.



## XIX.

Nihil autem horum valebit, nisi accesserit di-  
æta. Hic opera danda, ut ab illis rebus  
aveamus, quas malo huic occasionem dedisse,  
vel illud fovisse, usu didicimus. Quid autem hic  
uique potissimum salutare sit, prudentiæ cuius-  
ue & diligenti observationi relinquendum est.  
Neque inutilis erit ea victus ratio, cui vis inest  
medicamentosa. Qua ratione quosdam in rad.  
ragopog. nonnullos in herb. portulac. aliquos in  
etrofel. alios in acetos. alios in consolid. reg. co-  
tis in brodiis carn. avenaceis, & hordeaceis, item-  
ue in acetariis, remedium invenire observamus.  
A multis fol. & fl. betonicae, præsertim in fine  
astus, cum frusto panis, ab aliis frustulum cy-  
on. condit. aut diacydonium simpl. magni ha-  
entur. Nonnihil etiam dandum est consuetu-  
ini, ne subita & inconsulta diætæ mutatione id  
veniat, quod *Clementi VII*, P. R. usu venisse  
egimus. Nam is, diuturno stomachi vitio af-  
fectus, cum victus rationem svasu Medici Curtii  
mutasset iam senex, repente decessit, teste *Schlei-  
lano*, lib. IX, de stat. relig. & reip. Sunt enim  
sæpe



sæpe occultæ quædam naturæ, quæ a rebus bonis peius, quæque a malis melius se habeant. Quæ quidem sub artis præcepta non cadunt, sed sua cuique experientia constare debent.

